

## رسالة عباده جمعة من داخل سجون الانقلاب



الأحد 2 فبراير 2014 12:02 م

### نافذة مصر

بعث البطل الثوري عبادة جمعة ابن الخمسة عشر ربيعا برسالة لأخواته من داخل سجون الانقلاب قال فيها  
أولاد ( يسرا ) : لو كنتي زعلانه مني يا يسرا عشان لو أنا كنت مزعلك في حاجه أوعي أوعي تزعلي مني يا عالم ممكن ألبس 15 سنة زي  
اللي قبلي و متشوفينيش تاني و لو إنتي مش زعلانه أنا زعلان عشان ما جيتيش زورتيني  
ثانيا ( حماس ) : انتي بقي لو خرجت بإذن الله هنفخك عشان انتي الي جبتيني هنا و بردو بحبك يا حموسة يا جموسة أبي\_استايل  
ثالثا ( حياء ) : انتي بقي مش عارف أشكرك إزاي علي المصحف اللي إديتهولي عشان كنت عمال أشحت علي مصحف في الزنزانة بنت  
الذمة دي و الناس الثوريين اللي معايا كلهم عمال أحكي لهم علي بطولاتك و تهوراتك  
رابعا ( ثبات ) ثبوتة يا حبيبتي بموت فيكي و عارف إنك زعلانه عليا أنا حاسس بيكي يا بوتة و بردو أوعي تزعلي مني في يوم من الأيام  
خامسا و الأهم ( أمي ) : إياك تعيطي تاني عليا مش عايز منك غير تصلي و تدعيلي و أنا عارف إنك أول واحدة هتتريئي علي خطي و  
قولي لحياء المستفزة هي دي الورقة اللي هانت عليك خليها تجبيلي مذكرة ع الأقل عشان أكتب الرسائل لكل الحبايب  
يا عاصم منسيتكشي و الله أنت و عمر و ياسر مسؤولي بس لما حياء تجبيلي المذكرة هكتب كل اللي ف قلبي بس انتو عارفين أهلي أهم  
منكو